

Minister Xiomara Maduro

No tin ningun indicacion financiero of economico cu ta hustifica cambio di florin pa introduci dollar na Aruba

ORANJESTAD (AAN) - Un di e condicionnan cu ta figura den e pakete di Pais cu Reino Hulandes kier pa Aruba cumpli cune pa por keda haya yudansa financiero, ta un estudio pa Aruba bay over na dolarisa nos economia. Cu otro palabra, lo kier mira si ta mas mihor pa Aruba reemplaza nos florin pa asina usa e dollar Americano so como nos moneda oficial.

Bay over na dollar no necesariamente lo yuda Aruba, ya cu nos propio moneda banda di ta un herment economico, e ta un simbolo di nos identidad tambe.

Reino Hulandes no a duna un motibo valido pakico un eventual dolarisacion ta necesario pa Aruba. Te cu awor no tin ningun indicacion financiero of economico cu ta hustifica un cambio di nos florin pa introduci dollar na Aruba.

Dollarisacion no ta haci magia

Hopi biaha paisnan cu

economia chikito y cu tin lasonan fuerte cu Merca of cu a yega di pasa den problema economico grandi, ta recurri na dollarisacion. Aruba berdad ta cumpli cu rekisitonan pa dolarisa, ma e exito di dollarisacion ta sinta den un maneho economico y fiscal stabil. Djies bay over na uso exclusivo di dollar no ta bay haci magia pa ningun Pais. E magia ta sinta, entre otro, den nos boluntad como Gobierno y Pais pa hiba un maneho financiero y economico sano.

Dollarisacion na Aruba tin su implicacion

Na nivel macro economico por bisa cu di un banda dollarisacion lo por baha gasto di transaccionnan internacional, lo por haci prestamo di placa mas barata na interes mas reduci y por beneficia negoshi y inversion internacional. Di otro banda, dollarisacion ta pone cu Aruba mester importa e maneho monetario di Merca y ta bay depende di decision

di nan Federal Reserve y ta haci nos mas vulnerabel na shocknan externo cu por tin consecuencia inflatorio pa nos economia cu perdida di poder di compra pa e consumidor como consecuencia. Cu perdida di e maneho monetario, Aruba ta keda solamente cu e maneho presupuestario como un herment pa influencia nos economia cual ta implica cu nos no por bay core cu deficit y mester percura pa presupuestonan di Pais Aruba conta cu surplusnan pa asina por tin un espacio pa hiba acabo un maneho economico propio. Dollarisacion ta costa Aruba placa tambe. Banco Central mester cumpra tur florin den circulacion y lo mester usa su reservanan pa paga pa esaki, bahando nos reserva di divisas. Dollarisacion ta elimina tambe e entrada cu Gobierno taricibi di provision di divisas y di e margen riba cambio di valuta y seigniorage door cu e ganashi di Banco Central ta



baha. Dollarisacion ta implica cu Banco Central ta perde su rol como instancia cu por crea placa y ta perde tambe nan funcion como 'lender of last resort' di e banconan local na momento di un stress financiero. Dollarisacion ta pone cu Banco Central su rol ta wordo limita of ta bira hasta obsoleto, cual ta implica cu Gobierno di Aruba su rol pa maneho di economia ta bay bira mas grandi.

No tin motibo valido pa dolarisa

Dollarisacion tin basta implicacion pa Aruba y nos mester puntra nos mes si un cambio cu asina tanto implicacion ta realmente beneficoso pa Aruba. Mas aun, si nos tene na cuenta cu nos reservas di divisas ta cumpli cu rekisitonan internacional, cu no ta vislumbra un risico pa devaluacion di e Florin Arubano y cu no tin deficit

structural riba balansa di pago di Aruba, no tin motibo balido pa Aruba laga e florin un banda y bay dolarisa.

Nos moneda ta simbolo di nos identidad

Segun Minister Maduro "E Florin di Aruba ta nos moneda oficial cu cual nos como Pais y nos como Arubiano ta identifica nos mes. Hunto cu nos Himno, Bandera y nos Escudo, nos Florin ta simbolo di nos identidad cu ta uni nos como Pueblo y como Pais. Na momento cu tuma e decision politico pa dolarisa, nos ta kibra e union aki y ta atacha e identidad di nos Pueblo na un manera profundo. Pa e motibo aki tambe, si acaso Aruba haye den problema economico mes cu ta hustifica un dollarisacion, e ta hopi necesario pa nos usa nos tino y curason pa nos no bay torno na e moneda cu ta representa nos identidad y forza di nos Pais."

Cosecha ta cuminsa bek cu workshops creativo na San Nicolas



ORANJESTAD (AAN): Cosecha ta conoci pa su workshops creativo cu ta wordo organisa den su Centro Creativo na San Nicolas. Door di e situacion di Covid-19, Cosecha a suspendi e workshops creativo na Maart ultimo y awor lo cuminsa back cu esakinan. Durante di e workshops creativo aki tur precaucion di higiene y seguridad lo wordo tuma en conexion cu Covid-19.

Diabierna 24 di juli, Claudia van Kessel ta sigui cu e linea Asiatico di mosaic cu e ta duna na Cosecha. E biaha aki bo por traha un Koi Karper. Manera ta standard di e workshop aki, ta traha e piesa na Cosecha di cual piesa tin hopi detaye y lo haya

material y instructions pa hasi e grout na cas. E workshop lo tuma lugar di 5.00 pm - 7.30 pm. Edad pa por participa ta 15 aña bay ariba. Diabierna 31 di juli, Merveline Geerman ta sigui cu su tayernan popular di mosaic unda ta traha diferente pahra local. E aña aki Merveline ta combina e material di tegel cu material cu e ta obtene den naturalesa.

E biaha aki por traha un Warawara cu ta para riba un pida driftwood. E workshop lo tuma lugar di 5.00 pm - 8.00 pm. Edad pa por participa ta 15 aña bay ariba.

Inscripcion ta necesario y esaki ta tuma lugar na Cosecha Oranjestad.



PICA PIEDRA

Administratief Medewerker m/v
Fulltime (40 uur)

Wij bieden:

- Een afwisselende functie met ruimte voor eigen ideeën en inbreng;
- Een prettige werksfeer in een informeel bedrijf.

Wij vragen:

- Lijftijd tussen 25-35 jaar
- Tenminste 2 jaar werkervaring in een vergelijkbare functie;
- Kennis en ervaring QuickBooks, MS Office, Excel, word en outlook
- Goede communicatie eigenschappen en een klantvriendelijke houding;
- Je beheerst een goede Nederlandse, Papiament, Engels in woord en geschrift, Spaans is een plus punt
- Van rechtswege toegelaten

Functie:

- Voorbereiding, bewerking en verwerking administratieve en financiële werkzaamheden
- Notuleren van wekelijkse meetings
- Het bijstaan van het management Team
- Diverse overige administratieve taken

Geïnteresseerd? Richt je sollicitatie uiterlijk 31 July 2020, voorzien van CV en motivatiebrief aan C. Getrouw (cinzia@pica-piedra.com)